

म॒हि॒मं त॒स्मिन्व॒सति श॒श्वतीः स॒माः ॥ १ ॥ ब्रा॒ह्म॒णम् ॥ १५ [८. १२.] ॥ ॥

अ॒न्नं ब्र॒ह्मे॒त्येक॑ऽब्रा॒हुः । तन्न॒ त॒था पू॒यति वा॑ऽअ॒न्नमृ॒ते प्रा॒णात्प्रा॒णो ब्र॒ह्मे॒त्येक॑ऽब्रा॒हुस्तन्न॒ त॒था शु॒ष्यति वै प्रा॒ण ऋ॒तेऽन्ना॒देते॒ ह॒ वेव॒ देव॒ते एक॑धाभूयं भू॒त्वा पर॑म॒तां ग॒हृतः ॥ १ ॥ त॒द्वा स्मा॒ह प्रा॒तृदः पि॒तर॑म् । कि॒ञ्च स्वि॒दे॒वैवं वि॒दुषे साधु॑ कुर्यात्कि॒मेवा॒स्माऽअसाधु॑ कुर्यादिति स॒ ह॒ स्मा॒ह पा॒णिना मा॒ प्रा॒तृद॒ कस्त्वे॒नयो॑रेक॑धाभूयं भू॒त्वा पर॑म॒तां ग॒हृतीति ॥ २ ॥ त॒स्माऽउ॒ ह॒ैत॒दुवाच॑ । वी॒त्यन्नं॒ वै व्य॒न्ने ह्री॒मा॒नि स॒र्वाणि भू॒ता॒नि वि॒ष्टा॒नि र॒मि॒ति प्रा॒णो वै रं प्रा॒णे ह्री॒मा॒नि स॒र्वाणि भू॒ता॒नि र॒ता॒नि स॒र्वाणि ह॒ वा॑ऽअ॒स्मिन्भू॒ता॒नि वि॒श॒न्ते स॒र्वाणि भू॒ता॒नि र॒मन्ते य॒ एवं वे॒द ॥ ३ ॥ ब्रा॒ह्म॒णम् ॥ १६ [८. १३.] ॥ ॥

उ॒क्त्य॒म् । प्रा॒णो वा॑ऽउ॒क्त्यं प्रा॒णो ह्री॒द॒ञ्च स॒र्वमु॒त्थाप॑यत्यु॒द्वास्मा॑ऽउ॒क्त्यवि॒द्भी॒रस्ति॒ष्ठत्यु॒क्त्यस्य॑ सा॒युज्य॑ञ्च स॒लोक॑तां ज॒यति य॒ एवं वे॒द ॥ १ ॥ य॒जुः । प्रा॒णो वै य॒जुः प्रा॒णे ह्री॒मा॒नि स॒र्वाणि भू॒ता॒नि यु॒ज्यन्ते यु॒ज्यन्ते ह॒ास्मै स॒र्वाणि भू॒ता॒नि श्रै॒ध्याय॑ य॒जुषः॑ सा॒युज्य॑ञ्च स॒लोक॑तां ज॒यति य॒ एवं वे॒द ॥ २ ॥ सा॒म । प्रा॒णो वै सा॒म प्रा॒णे ह्री॒मा॒नि स॒र्वाणि भू॒ता॒नि स॒म्य॒ञ्चि स॒म्य॒ञ्चि ह॒ास्मिन्स॒र्वाणि भू॒ता॒नि श्रै॒ध्याय॑ क॒ल्पन्ते॑ सा॒मः सा॒युज्य॑ञ्च स॒लोक॑तां ज॒यति य॒ एवं वे॒द ॥ ३ ॥ क्ष॒त्रम् । प्रा॒णो वै क्ष॒त्रं प्रा॒णो हि॒ वै क्ष॒त्रं त्रा॒यते॑ ह॒ैनं प्रा॒णः क्ष॒णितोः प्र॒ क्ष॒त्रमात्र॑माप्नोति क्ष॒त्रस्य॑ सा॒युज्य॑ञ्च स॒लोक॑तां ज॒यति य॒ एवं वे॒द ॥ ४ ॥ ब्रा॒ह्म॒णम् ॥ १७ [८. १४.] ॥ ष॒ष्ठः प्र॒पाठ॑कः । क॒ण्डिका॑संख्या १२१ ॥ ॥

भूमि॒रन्तरि॑क्षं द्यौ॒रिति॑ । अ॒ष्टाव॒क्षरा॑ण्य॒ष्टाक्ष॑रञ्च ह॒ वा॑ऽए॒कं गा॒यत्र्यै प॒दमे॒तदु॒ह॒ास्या ए॒तत्स या॒व॒देषु॑ लो॒केषु॑ ता॒वद्वा ज॒यति॑ यो॒ऽस्या ए॒तदे॒वं प॒दं वे॒द ॥ १ ॥ ऋ॒चो य॒जू॒षि सा॒मा॒नीति॑ । अ॒ष्टाव॒क्षरा॑ण्य॒ष्टाक्ष॑रञ्च ह॒ वा॑ऽए॒कं गा॒यत्र्यै प॒दमे॒तदु॒ह॒ैवा॒स्या ए॒तत्स या॒व॒तीयं॑ त्रयी॒ वि॒द्या ता॒वद्वा ज॒यति॑ यो॒ऽस्या ए॒तदे॒वं प॒दं वे॒द